

Ciumbia, che a ghè da riempe la pagina de toeut e po' a mò, ghè da mètàss d' impègn, e andà a scartàbelài risorsi del pàsà, ghe né, ma bisugna vèga pasiensa e temp a catà foeura i argument. Va bè, armemàs de pasiensa....scatulon, scatulèt, e anca mò alter cuntenidûu, capisi poeu nient, safurment, da che parti incumenci?

Una voeulta per al paes, giravan tanti uperari e ambùlant, l' umbrelèe, al spasacàmen, l' era una vera tradision de mistèe, e anca da quei che promùlgàva al fanigùtà....ciciàpèta e grass derost, gandùla de mûgnaga marsàlada, prova andà un po a laurà, forsi al toeu mistèe, l' è quel de andàa Bàcc a sunà l' orgàn? E' ariva al strascèe....don d'imm i stràscce che duperi poeu, strascèe, strascèe, tanti ròp per al strascèe.....muchila de vûsà, e và via cunt ch' èl carèt spûsùlent.....la gh' era reson la vegià gibunera, de che quand la mèrda la monta al scàgn, o la spusa, o la fa dàgn.....dal latino....Stercus quo per commovetur tanto plus petit....è drèe arivà un olter frecason, anca questù che l' è pùsèe facil metigà' l in del cûu, che in dal còo.....l' è mèi che me tachi a un troller, po' de quel che ta voeuret....vo a fa un girèt in paes, sperèm de troevà menga ch' el gialdon grant gross e ciula del miguèeta, altrimenti al mà fa vegne un bernocùl cunt i soeu raggiunament....barlafûs d' un bala biòt, pitost che daga risposta, preferisi saltà giò dal tramvai.....ecù al bagai del michèta, al voeur semper la rason de semensina di cùriûs, l' è mei fa la sicumera e andà per la mia strada.....tra un po ariva l' invernù, incumencian i sciuscianebia, se vedan no in mèss ala scighera, po cantan semper al demi demi sti balabiot....ciumbia che cunfusion.